



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

«29» մայիսի 2023թ.

ք. Երևան

ՈՐՈՇՈՒՄ N 275-2023/05-Կ

ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի նախագահի տեղակալ Ա. Մանուկյանս քննարկելով «ՄՈՒՇ-ՍԱՍՈՒՆ» ՍՊԸ-ի /ՀՎՀՀ՝ 00829135/ տնօրեն Գոռ Սուքիասյանի վերաբերյալ վարչական վարույթի նյութերը

ՊԱՐԶԵՑԻ

Հիմք ընդունելով ՀՀ պետական եկամուտների կոմիտեի նախագահի 15.02.2023թ-ի թիվ ԱՀ 104737 հանձնարարագրի հիման վրա «ՄՈՒՇ-ՍԱՍՈՒՆ» ՍՊԸ-ին /ՀՎՀՀ՝ 00829135/ պատկանող բանկային հաշիվներում առկա դրամական միջոցների վրա արգելանք կիրառելու մասին 16.02.2023թ-ին կայացված թիվ 104737 որոշումը, դրամարկղում առկա կանխիկ դրամական միջոցների վրա արգելանք կիրառելու մասին 14.03.2023թ-ին կայացված թիվ 104737/1 որոշումը, արգելանքի ենթակա այլ գույքի վրա արգելանք կիրառելու մասին 10.04.2023թ-ին կայացված թիվ 104737/2 որոշումը, ղեկավարվելով ՀՀ հարկային օրենսգրքի 434-րդ հոդվածի 2-րդ մասով, դրամարկղում առկա կանխիկ դրամական միջոցների գույքագրման, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով 28.03.2023թ-ին /LO108713272AM/ փոստային ծառայության միջոցով «ՄՈՒՇ-ՍԱՍՈՒՆ» ՍՊԸ-ի /ՀՎՀՀ՝ 00829135/ տնօրեն Գոռ Սուքիասյանին ուղարկվել է գրություն, որով առաջարկվել է գրությունը ստանալուց հետո եռօրյա ժամկետում դրամարկղային գրքով /գրքերով/ ներկայանալ ՀՀ պետական եկամուտների կոմիտեի իրավաբանական վարչություն՝ հարկ վճարողի դրամարկղում առկա կանխիկ դրամական միջոցների, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության աշխատանքների կազմակերպման նպատակով, իսկ եթե Գրությունը ստանալու օրվան հաջորդող 3-րդ օրը համընկնում է ոչ աշխատանքային օրվա հետ, ապա ներկայանալ հաջորդող առաջին աշխատանքային օրը: Միաժամանակ նույն Գրությամբ տեղեկացվել է Օրենսգրքի 431-րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

Նշված գրությունը Գոռ Սուքիասյանի կողմից ստացվել է 30.03.2023թ-ին, սակայն գրությամբ նշված ժամկետում վերջինս չի ներկայացել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Համաձայն «Հարկատու 3» ԷԿՀ-ի տվյալների, «ՄՈՒՇ-ՍԱՍՈՒՆ» ՍՊԸ-ն /ՀՎՀՀ՝ 00829135/ 29.01.2016թ-ին ստացել է թիվ 25/3 դրամարկղային գիրքը:

Արդյունքում «ՄՈՒՇ-ՍԱՍՈՒՆ» ՍՊ ընկերության /ՀՎՀՀ՝ 00829135/ տնօրեն Գոռ Սուքիասյանի /ՀԾՀ՝ 1302890700, Ն/Ք՝ 008342867, տրված 19.07.2016թ-ին 019-ի կողմից, հասցե՝ Կոտայքի մարզ, Աբովյան, Առինջ, Ա. Մնացականյան փ. 1 փկղ. 8տ./ կողմից թույլ է տրվել արարք, որը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածի հատկանիշներին:

Նշված դեպքի առթիվ հարուցված վարչական վարույթի շրջանակներում վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու նպատակով՝ «ՄՈՒՇ-ՍԱՍՈՒՆ» ՍՊԸ-ի /ՀՎՀՀ՝ 00829135/ տնօրեն Գոռ Սուքիասյանին 21.05.2023 թվականին պատշաճ ծանուցում է ուղարկվել, սակայն 29.05.2023 թվականի դրությամբ ծանուցագիրը ստանալու փաստը հավաստող ապացույց առկա չէ, այսինքն վարչական վարույթի ընթացիկ փուլում պարզվել է, որ առկա են բավարար հիմքեր «18» մայիսի 2023 թվականին հարուցված վարչական վարույթը կասեցնելու համար:

Հիմք ընդունելով այն հանգամանքը, որ անհնարին է տվյալ վարույթի արդյունքում ակնկալվող վարչական ակտի ընդունումը մինչև այդ ակտի հասցեատիրոջն ի հայտ բերելը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 1 մասի «գ» կետով.

ՈՐՈՇԵՑԻ

«ՄՈՒՇ-ՍԱՍՈՒՆ» ՍՊ ընկերության /ՀՎՀՀ՝ 00829135/ տնօրեն Գոռ Սուքիասյանի նկատմամբ հարուցված վարչական վարույթը կասեցնել մինչև կասեցման համար հիմք հանդիսացող հանգամանքի վերանալը:



ԱՐԹՈՒՐ ՄԱՆՈՒԿՅԱՆ



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am